

近代中國史料叢刊第十一輯
沈雲龍主編

聖

武

記

魏源著

文海出版社印行

聖武記

聖武記敘

荆楚以南有積感之民焉生於乾隆征楚苗之前一歲中更嘉慶征教匪征海寇之歲迄十八載畿輔靖賊之歲始貢京師又迄道光征回疆之歲始筮仕京師京師掌故海也得借觀史館秘閣官書及士大夫私家著述故老傳說於是我生以後數大事及我生以前上訖 國初數十大事磊落乎耳目旁薄乎胸臆因以溯洄于民力物力之盛衰人材風俗進退消息之本末晚僑江淮海警沓至愾然觸其中之所積乃盡發其櫝藏排比經緯馳騁往復先出其專涉兵事及嘗所論議若干篇爲十有四卷統四十餘萬言告成於海夷就款江寧之月乃敬敘其端曰天地以五行戰陰陽聖人飭五官則戰勝於廟堂戰勝廟堂者如之何曰 聖清尚矣請言 聖清以前

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



之事今夫財用不足國非貧人材不競之謂貧令不行於海外國非贏令不行於境內之謂贏故先王不患財用而惟亟人材不憂不逞志於四夷而憂不逞志於四境官無不材則國楨富境無廢令則國柄強之蒐器器不竄以之練士士無虛伍如是何患於四夷何憂乎禦侮斯之謂折衝於尊俎嘗觀周漢唐宋金元明之中葉矣瞻其闕夫豈無懸令詢其廷夫豈無充位人見其令雷行於九服而不知其令未出階闈也人見其材雲布乎九列十二牧而不知其槁伏於灌莽也無一政能申軍法則佚民玩無一材堪充軍吏則敖民狂無一事非耗軍實則四民皆荒佚民玩則畫筮不能令一羊敖民狂則蟄雷不能破一牆四民皆荒然且今日揖於堂明日觴於隍後日胙於

藏以節制輕桓文以富強歸管商以火烈金肅議成
湯奚必更問其勝負於疆場矣記曰物恥足以振之
國恥足以興之故昔帝王處蒙業久安之世當渙汗
大號之日必號然以軍令飭天下之人心皇然以軍
事軍食延天下之人材人材進則軍政修人心肅則
國威邁一喜四海春一怒四海秋五官強五兵昌禁
止令行四夷來王是之謂戰勝於廟堂是以後聖師
前聖後王師前王師前聖前王莫近於我 烈祖

神宗矣書曰其克詰爾戎兵以陟禹之迹方行
天下至於海表以覲文王之耿光以揚武王之大烈
用敢拜手稽首作 聖武記

道光二十有二載元默攝提格之歲孟秋相月哉生
魄內閣中書舍人邵陽魏源敘于江都絜園

--	--	--	--	--	--	--	--	--	--	--	--

聖武記目錄

卷一開創

開國龍興記一

開國龍興記二

開國龍興記三

開國龍興記四

開國龍興記五

卷二藩鎮

康熙戡定三藩記上

康熙戡定三藩記下

卷三外藩

國朝綏服蒙古記一

國朝綏服蒙古記二

國朝綏服蒙古記三

康熙 親征準噶爾記

雍正兩征厄魯特記

卷四外藩

乾隆蕩平準部記

乾隆戡定回疆記

乾隆綏服西屬國記

乾隆新疆後事記

道光重定回疆記

道光回疆善後記

卷五外藩

國朝撫綏西藏記上

國朝撫綏西藏記下

西藏後記

乾隆征廓爾喀記

卷六外藩

國朝俄羅斯盟聘記

俄羅斯附記

國初征撫朝鮮記

乾隆征緬甸記上

乾隆征緬甸記下

乾隆征撫安南記

卷七土司苗徭回民

雍正西南夷改流記上

雍正西南夷改流記下

乾隆初征金川土司記上

乾隆再征金川土司記下

國朝甘肅再征叛回記

乾隆湖貴征苗記

嘉慶湖貴征苗記

道光湖粵平徭記

卷八 海寇民變兵變

國初東南靖海記

康熙戡定臺灣記

康熙重定臺灣記

乾隆三二定臺灣記

嘉慶東南靖海記

康熙武昌兵變記

嘉慶寧陝兵變記

乾隆臨清剿賊記

卷九 教匪

嘉慶川湖陝靖寇記一

嘉慶川湖陝靖寇記二

嘉慶川湖陝靖寇記三

嘉慶川湖陝靖寇記四

卷十教匪

嘉慶川湖陝靖寇記五

嘉慶川湖陝靖寇記六

嘉慶川湖陝靖寇記七

嘉慶川湖陝鄉兵記

嘉慶畿輔靖變記

卷十一

武事餘記兵制兵餉

卷十二

武事餘記掌故考證

卷十三

武事餘記事功雜述

卷十四

武事餘記議武五篇

是記當海疆不靖時索觀者衆隨作隨刊未遑
精審閱一二載重訂於蘇州又二載復重訂於揚
州如征苗征緬甸及道光回疆向止一篇者今
皆增爲上下篇其全改者如廓爾喀俄羅斯等
篇其半改者如雍正征厄魯特篇其餘諸記亦
各有損益至武事餘記第十三十三卷舊多冗
沓今移其瑣事散附各記之末而更正其體例
是爲 聖武記第三次重訂本道光二十有六
載魏源識于揚州旅次

聖武記卷一

邵陽魏源撰

開國龍興記一

維帝軒轅畫井始遼粵及有虞州剖十二而遼以西

則剖冀東北境是為幽州遼以東則剖青海外境是

為營州于是有古孤竹之虛有古肅慎氏之國古孤竹國

在今遼西錦州府地肅慎國在今遼東吉林寧古塔地肅慎即女真之轉音楷矢鞏騎射之本俗至漢分

為三韓蓋三汗並治之徵天官書曰中國山川其維首在隴蜀其

尾沒于碣渤蓋東方出震天地所以成終而成始旁

薄鬱積數千年以有 大清國 大清國之興

也肇有金遼部落繼兼有元裔之蒙古 繼兼有

朝鮮又繼有明之關外金遼語言相同之國也蒙古

語言居處不同而衣冠騎射同之國也至朝鮮及明

則語言衣冠皆不同故我 太祖 太宗用兵

次第亦因之為先後其朝鮮蒙古事屬外藩別為篇
今特先其收服滿洲諸部者冠于伐明之前以昭造
攻自毫之本

自山海關以東 留都之地統以 盛京吉林

黑龍江三將軍吉林為滿州舊國 始祖所都之

寧古塔在焉黑龍江為遼金舊國金起混同江而索

倫則遼裔也遼起上京即今黑龍江南北之呼倫貝爾地也金則起于黑龍江南在白都訥之

東二三惟 盛京稍東之 興京則 肇

興 景 顯四祖及 太祖發祥之地舊

名赫圖阿拉在蘇克素護河嘉哈河之間西距

盛京二百七十里東距寧古塔千二百里始祖

居俄漠惠之野在寧古塔西南三百餘里我朝未得

遼瀋以前四世咸宅于茲即明代之建州右衛也我

太祖高皇帝生明嘉靖三十有八年朔之

肇祖當在明正統景泰之際由肇祖而上至長

白發祥之始祖當在遼金末造矣據開國方略載天女所生

不過始祖傳數世而遭難又數世而太祖責烏拉貝勒布肇祖生當

愛新覺羅上天降生數世以來遠近欽服數不遠之

證明萬歷十有一年太祖年二十有五國人號

聰睿貝勒以景顯二祖之讐起兵討尼堪

外蘭率甲十三襲之于圖倫城尼堪外蘭倉卒遁得

甲三十卒百人以歸又討之于嘉班城于撫順邊外

皆不獲初景祖世兄弟五人各築城環赫圖阿

拉而居遠者二十里近者五六里皆稱寧古塔貝勒

方太祖起兵也同族之附明者謂尼堪外蘭為

明所善懼太祖招禍於明聚誓堂子屢謀

除害太祖有衆一旅克北嘉城瑪爾墩城皆險

固之區或鑿磴束馬而登或單盾冒矢石而克同族

警服萬歷十二年事是時諸國分裂滿洲國之部五曰蘇克

素護河曰渾河曰完顏曰棟鄂曰哲陳長白山國之

部二曰訥殷曰鴨綠東海國之部三曰渥集亦作窩集曰

瓦爾喀曰庫爾喀庫一作虎扈倫國之部四扈倫亦作呼倫曰葉

赫曰哈達曰輝發曰烏拉皆金代部落之遺城郭土

著射獵之國非蒙古行國比也各主其方爭相雄長

強凌弱衆暴寡而扈倫四部最強在滿洲之北惟烏拉在

吉林當滿洲東北其輝發哈達葉赫皆在興京之北今盛京將軍所轄境內皆以所

居之河得名烏拉輝發二河入松花江哈達葉赫二

河入遼河即明之海西衛與建州衛野人衛而三海

西亦謂之南關北關南關哈達北關葉赫偪處開原

鐵嶺乃明邊之外障也東海三部則皆野人衛在寧

古塔以東瀕海島嶼距明邊絕遠羈縻而已而滿洲

五部長白山二部則皆建州衛處遼瀋之東世相仇

敵故尼堪外蘭遠遁，築城于鄂勒琿特諸部中，隔我兵不能往討。太祖乃先自近部始。萬歷十二年，以兵五百攻棟鄂部之翁鄂洛城。萬歷十三年，攻渾河部之界藩城、棟嘉城、薩爾濟城。與一弟三侍衛奔軍先進，渡河衝陣，龍騰虎蹴，以四人敗敵八百。十四年，復攻蘇克素護河之爪爾佳城、渾河部之貝琿城。哲陳部之托摩和城皆克之。遂越諸部攻尼堪外蘭于鄂勒琿城，罪人斯得。先是明歸我。二祖喪時，已給都督。敕書十道，馬三十四匹。至是又給龍虎將軍之印，及歲幣銀八百兩。萬歷十五年，命巴圖魯額亦都攻哲陳部二城，阻漲渾河，聯繩而渡，跨堞而戰，身中五十餘創，卒克之。萬歷十六年，復克完顏部。時滿洲環境五豪部皆服，全有建州。遂與海西部爲敵國。土產東珠，人獲紫貂、元狐、狍、獐、獐、獐，與明市于撫。

順清河寬甸、發陽四關，兵食日強，富十有七年。又遣兵收服長白之鴨綠江部，盡有其衆。于是遐邇驚忌，知太祖志不小，遂協而圖我。萬歷二十有一年，葉赫、哈達、輝發、烏拉、扈倫四部、科爾沁、錫伯、卦勒察、蒙古三部、珠舍里、訥殷、長白山二部、九國之師，三萬來侵，營渾河北岸，國人皆懼。太祖酣寢，達旦詰朝，率諸貝勒拜堂子啓行，至古呼山，據險而陣。諭將士曰：烏合之衆，其心不一，殪其前鋒，必反走。走而乘之，必大克。時敵方攻赫濟格城，命額亦都以百騎挑之。敵罷攻來戰，葉赫貝勒布齋、科爾沁貝勒明安身先督陣，布齋馬觸木而踣，我兵斬之。明安馬陷淖，弃鞍跨驕馬遁。衆軍遂潰，乘勝逐北，斬級四千，獲馬三千，鎧冑千，并禽烏拉貝勒之弟布占泰。軍威大震。萬歷二十五年，葉赫、哈達、輝發四部遺使來乞盟締姻，以其女弟歸。

太祖是爲

高皇后初扈倫四部哈達萬汗最

強且忠于明爲葉赫輝發烏拉三部盟主傳其子蒙格布祿兄弟內鬩遂爲葉赫所乘哈達乞援于明不許請入捍邊又不許于是質其二子來告急

太

祖命費英東噶蓋以兵二千助之哈達旋惑葉赫貝勒之誑令執我將帥以索其二質子而襲攻我軍于是太祖舉兵克之盡降其城寨明使以滅鄰來責乃復其子武爾古岱歸國時萬歷二十七年也既而葉赫兵數掠哈達

太祖使詰于明明人不問

哈達饑乞糴于開原城明亦不與哈達復降于我于是明塞亡南關是後我國始絕明貢惟互市萬歷三十五年輝發貝勒以所部多叛歸葉赫遣子質我而樹援焉已又信葉赫貝勒之誑索還其子以質于葉赫所約之昏亦背不來取而築重城以拒守是年慧

星東指輝發國

太祖征之輝發以十萬歷四十

年征烏拉初布占泰陣獲于我旋釋歸使主其國妻之以宗女

錫之以敕書甲冑三十五年其所屬之瓦爾喀部來歸

太祖遣褚英代善費英東以

兵四千迎之布占泰以兵萬人阻之爲我軍所敗斬級獲甲各三千師還又遣褚英阿敏以兵五千克其宜罕山城布占泰懼不敢戰執獻葉赫之人以和并求昏

上親女許之四十年復背盟再侵我渥集部屬之虎爾哈路欲娶我國所聘葉赫之女又以鳴鏑射公主

太祖親臨烏拉河克其沿河五城盡焚其廬舍糗峙許盟而還布占泰復以其子質葉赫怒我師師至布占泰以兵三萬逆戰

太祖身陷陣敗其軍先伏兵奪其城門盡樹纛幟布占泰收敗卒不能入遂奔葉赫烏拉以亡是秋遂以兵四萬征

葉赫葉赫盡斂其鄉民保城使懇于明曰扈倫四國滿洲已滅其三今復侵我行必及明矣明使游擊馬時相率火器千助葉赫 太祖服其七城十九寨旋師葉赫恃明之援遂以所許我國之女歸蒙古時我 太祖天命之二年明萬歷四十四年也

太祖既誓師離明戡撫順夷清河遂以天命四年

萬歷

四十年春留兵六千守札喀關備明而自將六師深入葉赫克二十餘寨葉赫告急于明于是明有四路之師 太祖覆其軍二十萬是秋克開原克鐵嶺拊葉赫之背遂圍其貝勒錦台什于東城圍其弟布揚古于西域攻東城之軍先破其郭士皆擁盾冒矢石穴城陷之錦台什登臺自燔死布揚古以西城降遂殲守葉赫之明兵千于是明塞復亡北關其扈倫四國而外用兵最勤且征且撫者莫如東海三部及黑

龍江之其扈倫四國外勞征撫者莫如東海三部及黑龍江等部其種族散處山林非有酋豪雄長抗衡上國而兩朝招攜之故則見于天聰八年宗諭太宗諭征黑龍江諸將曰茲地人民語言騎射與我國同撫而有之卽皆可爲我用攻略時宜告以爾我先世本皆一國之人載籍甚明毋甘自外是時滿洲五部長白山二部扈倫四部皆平始從事于東海三部其用兵皆未嘗興大衆其收服之人卽校其射藝區其等第編旗披甲與兼弱攻昧之師不同瓦爾喀部者沿瓦爾喀河入鴨綠江瀕海兩岸皆其部落在興京之南近朝鮮萬歷二十六年遣長子褚英以千卒征之取其安楚庫路屯寨二十餘招降萬餘衆三十六年瓦爾喀部優斐城長以五百戶越烏拉境來歸遣費英東等以兵三千往護之中途敗烏拉要截

之兵三十七年與明盟誓并以瓦爾喀部落之流寓
朝鮮者請于明明為我諭朝鮮察還千餘戶 太

宗天聰元年明天啓七年大兵征朝鮮我瓦爾喀之在其

國者二百餘戶皆來歸天聰九年崇禎八年命武巴海等

以兵四百自寧古塔往往征瓦爾喀收丁壯五百有六

十以地多島嶼明年復分兵四路每路兵二三百各

攜嚮導造海舫先後共取還島丁千餘貂狐狍獾無

算崇德五年命朝鮮以舟師攻瓦爾喀之叛入熊島

者來獻捷是為征瓦爾喀之師虎爾喀部者虎一作呼居

虎爾喀河出吉林烏拉界徑寧古塔城北行七百里

至三姓城入混同江唐書渤海王都臨忽汗河者也

虎哈即忽汗之音萬歷三十九年命額亦都以兵二

千攻東海虎爾喀部之札庫塔人三日克其城俘斬

三千并招降其附近五百戶天命二年東海虎爾喀

路長率百戶來朝遣二百人送之 御殿燕之命

願留者左願歸者右賜願留頭目八人男婦各二十

馬牛各十錦裘蟒服四時之衣田廬器賄皆具于是

爭乞留且轉招其族屬曰上之征伐非欲俘獲充賞

也乃欲收我為羽翼也天命四年萬歷四十六年遣卒千征

虎爾哈部收其丁壯二千其路長來降者 駕出

城親款之列筵二百男婦牲畜田廬器賄如前賜崇

德八年遣阿爾津等征虎爾哈于黑龍江混同江即黑龍江之

下游故混同江亦通稱黑龍凡克三屯招降四屯獲男婦二千八

百餘牲畜貂皮虎豹皮稱是是為征虎爾哈部之師

渥集部者在虎爾哈部之東連山茂林萬歷三十八

年以卒千征東海渥集部取其三路屯寨俘二千人

并降其虎爾哈路瑚葉路而還又有自歸之綏芬路

寧古塔路命額亦都以千人往遷之為渥集之雅蘭

路人所掠遂擊收其衆萬餘而還虎爾哈與渥集鄰故有在其部中者

綏芬河在寧古塔之南圖門江之東自行入海雅蘭河出長白山背在寧古塔東南行二百餘里入海

三十九年復以兵千取渥集部之烏爾固辰穆林二

路俘千餘人穆林河會烏蘇里入混是為征渥集部

之師外此東海小部隨時略服天命元年萬曆四十四年征

東海薩哈連路乘舟沿烏勒簡河取屯寨數十八月

至黑龍江岸霜未降冰結如橋師遂濟及還上游復

冰甫濟而解又招服南岸之諾羅路錫拉忻路及使

犬部音達琿塔庫喇二路諾羅河及音達穆河皆入混同江使犬部亦在混同

江南岸故知此所渡乃黑龍江下游即混同江也錫拉河在寧古塔極東自入海乃奇雅喀部人所居

天命二年萬曆四十五年遣兵四百收瀕海散處各部其島

居負險者剗小舟二百往盡取之天命十年天啓五年遣

兵征東海卦勒察部俘二千人蓋東海諸部在吉林

寧古塔以東與我隔於烏拉又貪烏拉布市之利甘

為其屬故自烏拉削平而後威稜薄海表今吉林將

軍治烏拉故城吉林城在盛京東北八百二十里在

寧古塔西六百里或云吉林即古羅其所轄東西四千餘里南北二千里即烏拉諸

部故境蓋南沿鴨綠江圖門江之間及諸海島為東

海瓦爾喀部北沿天烏拉河松花江至混同南岸則

虎爾哈部東抵長白山陰則渥集部今大都并入滿

洲矣再東北則為使犬部之赫哲使鹿部之奇勒爾

費雅喀又有庫頁部海島表廣埒臺灣近混同江海

口其島雜有赫哲費雅哈鄂倫春之人而庫頁為大

殆即國初劄舟濟師往取者今與貢貂之赫哲

諸部皆不編佐領不列滿洲八旗蓋禹貢皮服之島

夷介糞青東境云滿洲氏族源流攷曰自寧古塔東

北行四百餘里居虎爾哈河松花江兩岸者曰諾雷部即虎爾哈部自寧古塔東行千

餘里居烏蘇里江兩岸者曰尤倫部又東二百里居

也又寧古塔東南有班吉爾漢喀喇去烏蘇里江四

千里二年一次遣官赴尼滿河收貢頒賜此南路也
自寧古塔東北行千五百里居松花江混同江兩岸
者曰赫哲喀喇又東北行四百里居烏蘇里松花
混同三江匯流左右者亦曰赫哲喀喇即使犬國也
又東北行逾混同江七八百里曰費雅哈直至東北
海濱距寧古塔三千里曰奇勒爾即使鹿部也此皆
北至黑龍江等部則天命以前未嘗征征之自

太宗天聰九年始時有入貢索倫豪于騎射乃命副
都統霸奇蘭率兵逾黑龍江收撫其未服壯丁二千
四百有奇餘丁七千二百而還崇德元年索倫為科
爾沁部落侵掠命來朝之索倫部長速歸防禦五年
遣穆什哈等征索倫俘其壯丁三千百有五十六年
并徵蒙古兵征已降復叛之索倫博木果禽其衆九
百餘蓋索倫當黑龍江極北興安大嶺之麓介俄斯
及喀爾喀蒙古之間挽強命中洞熊兕跡犇獸雄于
諸部索倫村在額爾格河精奇里江之間南距黑龍
江城西至雅克薩城皆五六日程距今將軍所
治齊齊哈爾城千有四百餘里
在盛京東北二千四百餘里
天命間大兵雖一度

黑龍江下游

即混同江

未嘗至索倫天聰崇德始臣絕域

際東北海于是遼金部落咸并於滿洲矣迨

聖

祖康熙十年墨爾哲勒氏屯長來歸編為墨爾根四

十佐領號新滿洲二十八年征服羅刹闢地至克魯

倫河興安大嶺于是科爾沁蒙古復獻出嫩江左右

之錫伯卦勒察及黑龍江北之達瑚爾壯丁萬四千

有奇達瑚爾亦在額爾格河精奇里江之間與索倫

同地

一作額爾古納里江又達瑚

一作精奇

蓋打牲部落之錯鄰蒙古者故獻歸滿洲分駐白都訥齊齊哈爾二城編旗

額置佐領皆隸于呼倫貝爾駐防副都統而統于黑

龍江將軍

呼倫泊貝爾皆黑龍江上源遼興于此是為上京

故東三省伊犁

駐防自滿洲蒙古漢軍外有索倫兵錫伯兵達瑚爾

兵鄂倫春兵卦勒察兵共編佐領九十有七皆打牲

部落異于游牧之蒙古非天聰天命間滿洲兵所有

也。惟寧古塔以東諸打牲部落則皆不編佐領隸三
姓城駐防副都統而遙統以吉林將軍。三姓城當寧古塔東北五

國城在焉卽肅慎故址

臣源曰恭稽會典八旗駐防之兵有游牧部落有打
牲部落游牧部落不一以蒙古統之打牲部落不一

我朝皆以滿洲統之。康熙以後始以游牧之巴爾虎及厄魯特隸于黑龍

江駐防附打牲部落之後雖亦夫草昧之初以一城

為東三省兵然非滿洲部落矣一旅敵中原必先樹羽翼于同部故得朝鮮人十不
若得蒙古人一得蒙古人十不若得滿洲部落人一

族類同則語言同水土同衣冠居處同城郭土著射
獵習俗同故命文臣依國語製國書不用蒙古

漢字而蒙古漢軍各編旗籍不入滿洲八旗所以齊
風氣一心志固基業規模宏竒矣盛京興京境內皆
老滿洲此外居近吉林之錫伯人居近伯都訥之卦

勒察人居近瑋春之庫爾喀人分駐佐領隨地隨時

編丁入軍籍統稱為吉林之兵江伯都訥城北瀕混同

江黑龍江北之索倫達瑚爾二部晝長夜暫北極出

地五十一度視京師偏東十度有奇崇德而後與東

北之鄂倫春奔走疏附後先禦侮是為黑龍江之兵

自索倫騎射聞天下于是後編八旗之達瑚爾鄂倫

春等部世皆索倫呼之而吉林一軍則但知為新滿

洲矣女真兵滿萬不可敵况傾東北海之精銳殫

兩神聖之訓練夫何敵於天下臣源又曰方

世祖之入關都燕也命內大臣何洛會統八旗

兩翼兵留守盛京康熙元年始設鎮守奉天等

處將軍十年始改稱盛京鎮守寧古塔將軍十年移二十

二年以寧古塔兵征羅刹於黑龍江始設鎮守黑龍

江將軍是為東三省其後兵制增損裁并不一今姑

據乾隆二十三年會典之數則盛京將軍駐防兵萬
有九千二百七十六人轄副都統三城守尉四防守尉二吉林將軍
駐防兵萬有四千三百九十二人轄副都統五協領二黑
龍將軍駐防兵八千五百五十七人轄副都統三總管一城守尉一
兼滿洲蒙古漢軍索倫錫伯卦勒察巴爾虎達瑚爾
鄂倫春共東三省兵四萬二千二百有奇其後移駐
新疆裁并不一今東三省共駐防兵三萬五千四百
有奇 國家大征伐輒出虎符選壯軍鋒然乾隆
征金川時將軍阿桂溫福等皆力言東三省道遠供
億鉅徵索倫兵一不如調近省兵二嘉慶征教匪時
上諭亦言調黑龍江兵一其費可募鄉勇數十
則又不專恃留都常勝之兵而各視其天時其地利

附考

吉林黑龍江之地城郭皆無磚石環木柵二三里即
謂之城柵內入旗兵所居士大夫遷謫者亦居其中

祖	最	部	查	海	魚	所	居	城	日	未	北	為	厥	記	入	宗	女	之	雜	皆	樹	初	罰	裹	居	漢	餘
又	費	頌	哈	螺	皮	居	又	故	由	之	偶	蕭	色	之	旗	御	真	後	漢	能	射	至	其	糧	寧	入	皆
次	雅	袍	船	灰	達	此	六	地	寧	及	談	慎	青	云	通	製	為	裔	語	踪	熊	索	直	不	古	則	
之	哈	帽	江	鼠	子	三	百	設	古	又	蓋	奢	紺	石	志	惟	肅	不	故	迹	虎	倫	雖	購	塔	居	
黑	次	靴	行	水	近	部	里	官	塔	東	產	矢	厥	皆	無	滿	慎	純	或	得	洞	則	章	歸	三	各	
斤	之	襪	泊	纒	混	人	為	守	而	海	瀕	之	理	出	混	其	轉	滿	以	之	穿	遠	京	作	省	屯	
費	虎	帶	古	鷹	同	總	黑	之	東	魚	海	遺	如	混	同	證	音	洲	為	惟	負	在	不	紀	八	旗	
雅	爾	帶	古	鴉	江	名	斤	又	三	皮	口	會	木	厥	江	惟	未	楷	經	而	龍	此	銀	言	之	非	
哈	哈	巾	塔	及	海	烏	部	北	里	使	無	攜	歸	堅	中	相	聞	矢	雨	歸	江	國	錢	其	亦	盡	
二	部	扇	南	魚	口	稽	所	五	有	犬	人	諸	京	過	鐵	傳	石	肇	後	馬	以	初	地	各	滿		
部	皆	之	外	每	不	達	居	六	依	部	聞	師	贈	石	松	初	為	騎	即	有	北	淳	道	自	洲		
不	黑	貂	進	五	五	烏	六	百	朗	無	故	友	土	脂	吳	為	射	為	不	逸	挽	樸	布	不	為		
薙	龍	以	貂	月	穀	稽	百	里	哈	考	亦	王	入	入	北	之	本	之	可	失	弓	之	拾	俗	各		
髮	江	黑	將	此	准	即	里	為	喇	亦	御	士	以	水	水	事	俗	識	者	十	石	近	易	遺	因		
梳	索	斤	軍	三	出	渥	為	虎	士	惟	製	士	以	千	千	謫	見	音	雖	數	石	能	牛	百	其		
髻	倫	部	設	部	紫	集	費	爾	哈	此	記	官	載	之	年	寧	京	近	蒙	百	自	漸	人	往	種		
環	所	所	宴	人	貂	也	雅	哈	部	記	官	載	之	年	寧	京	通	蒙	古	里	縛	不	田	還	落		
耳	產	產	并	則	元	又	哈	部	所	國	皆	之	皆	化	塔	志	高	古	里	縛	不	田	還	乾	為		
男	毛	為	出	乘	狐	名	部	所	國	皆	之	皆	化	塔	志	高	高	古	里	縛	不	田	還	乾	為		